



國雅卷之十八

勾吳顧起綸玄言選

王太學

名稱登字百穀號玉渡長洲人嘉隆間太學生

夏至日渡曹娥江

會稽逢夏至朝日散羣峯問路有千里渡江非一重空
山祠粉黛荒塚葬芙蓉寂寞無人問曹娥與蔡邕

袁相公閣試鉞中紫牡丹詩

名花開近掖垣邊一朶風吹映日鮮色借相君衣上紫
香分太極殿中煙杯含仙艷春爲酒翰染天葩錦作篇
何幸書生叨共賞不才深愧沐恩偏

雨中寄顧汝和舍人

花間小雨濕衣輕
夜半思君隔鳳城
尚食宮監邀翰墨
射聲校尉識書名
齋廬西畔濡毫待
香案前頭捧硯行
漢武若言封禪事
茂陵今已著書成

虎丘寺送沈孝廉遊金陵

七月江門路柳枝
含白煙羨君遊上國
俠氣何翩翩王
珣宅上魚鱗瓦
一樹長松堪繫馬
尊前不見石城雲
君去須經石城下
西風吹雨入紅亭
竹葉壚頭飲易醒
醒後佩刀騎馬去
成名須及鬢毛青

何山道中

何生棲隱處寒巖
至今名村非當門
鑿山田避石耕牛
半散野色鳥雀亂
泉聲十月農功畢
家家蜡鼓鳴

龍母廟

松塢石林林秋風
萬壑陰泉清塵客
耳花照定僧心龍
去野祠破鳥啼山
竹深蒼生饑渴甚
朝夕望爲霖

訪岳山人不遇

石澗艤蘭橈松堂
坐寂寥山餘龍母
廟地隱鹿門樵開
徑踏黃葉題詩剪
綠蕉採芝空谷裏
日暮不能招

洲通二上人見過

茅屋袈裟集飄翩
惠與林蓮花舌上
發柳色肘間侵傳

法燈雙照安禪臘並深如何病居士五蘊獨沈沈

走索

翠架千尋縷青山十丈虹金蓮不在池羅襪似行空步
捷遊絲上身輕一線中只愁冲舉去無使又臨風

病中簡文丈壽承

竹門無客不曾關黃鳥多情去復還疾是煙霞難服藥
性同麕鹿合居山盤中苜宿官如水屋裏蓬蒿鬢漸斑
歸去虎丘雲滿寺與君箕踞弄潺湲難服作
寧勿佳

燕山買宅簡范于公員外

卜居燕市屋三間揚子為隣意共閒雲氣無心上廳事

馬蹄終日過柴關雨中欲補門前柳窻裏難添枕上山
從此不嫌來往數問奇多在月中還

碧雲寺月出贈朱十六短歌

燕山一片月夜照白蓮花千里萬里同為客三人五人
齋憶家與君俱是悠悠者意氣相逢不相下平原俠士
能鬪雞邯鄲才人堪換馬明星落木亂紛紛同向山中
卧白雲秋風乍起黃花塞明月初生青草墳齊門彈瑟
相知少漢庭執戟郎官小漸離筑傍流水立干將劍上
青虹繞才子風流多落鬼青樓狹邪善諧謔趙玉刻就
篋篋柱蜀繒裂作鞦韆索禪燈繡佛夜厭厭半醉能歌

阿鵲鹽朱公大笑黃金盡三十青衫一孝廉

萬安山老僧

雲裏白頭僧城中到不能門人皆乞食亭子獨傳燈樹
白知秦塞天青見漢陵不須留榻秋氣夜難勝

冬夜同陳秀才雙塔寺門步月

上書人不問歲暮嘆漂零塔古芙蓉黑城寒睥睨青月
過馳道看水遶御溝聽莫謂元方小堪當一德星

下第書懷呈納言姜公

鳳城簫鼓夢中聞天上人間自此分鄉路三千俱是水
世情一半不如雲郢人歌後非無曲冀馬空來尚有羣

君在漢廷司獻納肯因流落薦雄文

得張將軍書

鴈稀魚斷兩浮沈馬上煩君寄好音一諾未能酬季布
三言先已毀曾參因投白壁難防劍不識高山且罷琴
憔悴王陽滿牀病彈冠深負故人心

寄黃丈一之

漢庭空說起徵君吳市猶聞卧隱淪何處黃金能買賦
誰家白壁肯周貧花間不醉無三日竹下論交共幾人
寄語灌夫休罵坐古來賢達貴謀身

袁相國故居訪李孝甫太僕

魚文七首不離身馬踏長安市裏塵重過揚家舊亭子
深悲侯氏老門人朱欄易主花無色青眼逢君酒可親
同是中郎琴畔客一般憔悴各沾巾

卧病過江都歐博士見貽太山記因贈

扁舟卧病廣陵城折簡深煩地主迎應劭記言封禪事
馬遷書叙遠遊情齋題首宿詩空寄酒壓桃榔醉不成
珍重投珠賢博士天涯能念舊王生

塘栖

水濶雨溟溟飛帆去不停人聲兩厓斷魚市一江腥雲
已辭吳白山初到越青侯生數行淚千里弔玄經

織錦辭寄侍兒

燈前織錦雨吹窻忽憶行人未渡江織出鴛鴦才一半
待郎歸日始成雙

嘉興夜泊

樓船旗鼓舊征夷攜李城邊屢出師河遶戰場俱是箭
雨當蠶月盡如絲寶刀亂後條桑用白馬功成負米騎
來泊闔閭軍敗處越人猶自笑吳兒

錢塘夜泊

孤舟三日雨淙淙夜泊錢塘舊建邦桑過石門青拂枕
水經攜李黛含窻六橋花盡休携酒五月潮平好渡江

此去報恩慚烈士匣中龍劍氣難降

莫文學

名是龍字雲卿號後鵬
華亭人嘉隆間邑庠生

巫山高

巫山高不可招陸行無車使我心勞江水深杳難尋欲
渡無梁使我心傷我思之人天各一方山川悠悠音容
渺茫赤鯉波濤迴冥鴻關塞長徒有數行淚夜夜沾衣
裳相思不可見何如兩相忘

夏日與吳門顧伯子周山人集顧氏西園

暮雨散江郭條然竹樹繁重林隔煩暑一室晤清言不
負西園約同傾北海樽論交重嵇呂千里命飛軒

訪周學士

共言懷夙好十載重違君倏爾凋青鬢依然卧白雲高
標霞外映新詠座間聞自笑樊籠者何當入鳳羣

過城南禪林訪無波上人山房

竹樹傍幽麓蕭疎一逕通黃金開象地白法祕龍宮高
座秋山裏孤尊晚照中清游從七子鄴下有遺風

顧仲方招隱園

清秋乘興訪名園巖壑蕭疎桂樹繁花外朱橋緣斷岸
竹間蒼岫引飛軒空山猿鶴堪招隱蒲地煙霞久避喧
翻笑淮南重方術八公徒著養生言

寒日與何翰林登虎丘

時郡太守禁游讌山色雅靜因坐移日有作

林丘寂寂對寒暉半鎖荒苔立馬稀何處齋鐘心共遠
當年歌管事全非空潭雲氣生衣冷幽壑泉香入酒微
盡說高陽罷游讌尚容山簡醉中歸

與馮文所同集金閶城下得來字

榜歌遙叩白雲隈暮色蒼茫到酒杯極浦烏無帆影沒
空江潮雜雨聲來鶯花茂苑投新社麋鹿吳宮訪舊臺
滿座雕龍懸彩筆風流誰數鄴中才

靜海寺潮音閣晚眺

香閣俯城陰松篁一徑深晴雲搖海色夕梵起潮音古

戍關門斷山程驛道侵江流無日夜東去似鄉心

南館獨坐得邦憲書再和前韻

一畝雲連鄣三家水抱村時方賤蓬累我未掩柴門雨
足春流滿溪深曉霧昏嗒焉齊物理翻喜故人存

雲松歌贈許山人

縹緲孤雲何處歸翠濤蒼雪望中微竭來林麓散晴靄
叅差洞戶生寒霏喬柯盤屈虬龍舉白晝冥冥自風雨
浮雲無心閒可憐松子多情亦楚楚山中之人樂未央
松爲我巢雲我裳君不見長安道上風塵苦何似山中
日月長



第8 ~ 11頁

題王青州小祗園得閒字

精廬高結海雲間坐卧能消白日閒
卽以祗洹開覺苑翻從人境立名山
風過竹院吹鳴磬月到松扉照掩關
何處潮音生妙響閣中清梵欲飛還

張長輿訪余城南

縹緲羣峯外青帆一片來人曾經歲別花已半春催殘
月流書幌浮雲散酒杯寄言乘興者莫便剡溪迴

送馮子潛游金庭

天開洞壑兩峯蟠地俯鮫宮六月寒君到正逢秋色又
平湖落木鏡中看

童太末

名珮字子鳴號紫山太末人嘉隆中寓梁溪

旅中述懷

悲風吹遙林經歲忘還家行行日復夕冉冉天一涯
天涯多苦辛千里徒傷嗟明月照長途思鄉淚如麻
故人勸加餐執手爲我誦情意一何深還因念微疴

過周叟家

舊識龐公操到來滋隱心年華藤作杖叔姪竹爲林
雞犬無王事桑麻自綠陰余家亦畎畝未及鹿門深
度穹窿山尋顧山甫秀才

亂石隨飛鳥蒼厓歷百尋爲探高士去翻恠隱居深水

近五湖色人傾千里心草堂遙指點雲氣晝沈沈

顧玄言同知要游牛頭山病不果赴

旅邸馬卿病蛩聲滿枕秋思君騎馬去藥月上牛頭星
斗天河近江山雲氣浮明朝有新賦好與慰離愁

訪金子坤

佳色帝城滿尋君逕獨荒避人苔滿地歎客草爲堂舊
姓來西域時名動大梁漢廷方重少誰爲薦馮唐

送梁伯龍游五嶽

出門雲霧氣知是訪山川綠樹春方半黃河路幾千落
梅城外笛行李雨中船道上人爭訝禽生是列僊

過陽山草堂席上贈顧徵士

黃髮開新社青山遶舊廬種松全煉墨搗竹半抄書草
賦家爭寶蒲輪郡有車卽看耆舊傳蚤晚勒秦餘

馬瞻寺

傍城蕭寺好白馬幾年東佛座人煙外山門風雨中一
僧孤錫冷雙樹半潭空見說陶元亮時來問遠公

吳幼元光祿園亭

名園仙吏隱石畔葑爲房門染芙蓉色墻懸薜荔香下
帷花撲卷高卧竹當牀別有懷人處題詩月滿廊

卷作研佳

周將軍廟

八國雅卷十八
十三
樹裏將軍廟桃花入座丹路人瞻水木縣令護衣冠劍
在精光泣神歸風雨寒余鄉知有虎慙愧拜靈壇

送成涓甫之金壇

客路送君去援琴水上彈東風吹玉舸何處是金壇濁
酒柳絲亂暮雲山色寒莫嗟行李少人久識馮驩

丹陽道中

小艇謝逢迎寒煙浦水生斷岡吳札廟亂石呂蒙城莫
問楚人草猶餘漢郡名倘能賦風土不遠是西京

烏夜啼

城烏且莫今夜啼江東游子猶未歸含愁飲恨燒銀缸

金梭鳴鳴泣蘭房當窻忽見山月黃却疑照人行路旁

關山月

賀蘭山頭一片月長安城中萬家雪征人夜渡流沙去
渤海蒼茫玉門曙千里祁連草色腓黃雲白鴈何年歸

秋夜吟

高天忽翻轆轤影劍子不眠光耿耿江上西風玉簫寒
山川萬里銀牀冷銀牀玉簫秋水滴孤月數聲響无笛
東海吼裂老龍怒當空墜下支機石夜夜遙疑啼峽猿
道上行人半頭白

送秦汝立游茅山

煙雲滿逕玉淙淙又與茅君著屐逢洞口鶴窺曾過客
雨中人上最高峯華陽澗水紅千片舊館壇碑墨幾重
乞得靈詮書白練歸來休道覓無從

秋日過顧同知長治園池

高卧元知是舊林階前秋色自蕭森乞歸田里無蒼鬢
種得園花有赤心作賦半因長日遣着冠多爲故人尋
年來草就知非歷爲說蘧生尚在今時顧所著知非歷方成

贈陳寧卿

未到河陽縣政聲喧路旁峯高隔嶺見花滿過春芳公
牘無盈案私錢不入囊因知供客酒猶是故園將

宿上封寺

上封林處磴千盤爲訝高雲得竹冠晴氣滿空還似雨
秋光未半忽生寒客來石上占星麗僧住巖前作鳥看
一榻偶然經磬側誰將銀漢挂闌干

宐春道中

莫言臺榭只宐春春色遙看解妬人一自平津罷歌舞
可憐燕子落東隣

爭傳鑿石布春隄爲使行人路不迷星子河因隨石隕
道旁翻益楚猿啼

摩訶菴

入門幽事滿春殿說無生未下空王拜先勞小朗迎堦
前閒樹色花外落鐘聲却媿初來客袈裟識姓名

丘戶部

名齊雲字謙之號若泰湖廣麻城人嘉隆間官戶部郎中

暮行西山道中

出部尋蕭寺偏緣芳草行溪深雲欲雨山遠樹爲城一
徑一花色無時無鳥聲不知湖上月飛向馬頭明

張明府至京旋遷宣陽邑博

三年同蜀道此日聚燕臺命酒對華髮憐君自異才明
珠元有謗蕭瑟易爲哀誰念綈袍意相看把臂來

送王年兄分權許墅

離亭春欲盡把袂故含情劍舄花間發樓船天上行雲
歸江樹合雨過夕嵐平是處堪相憶空憐片月明

送鄧文學南還

十日且未飲那知千里分金臺不得意空負北山文潮
落寒江月帆移遠岫雲天涯杯酒後何地可逢君

送梁思伯使山東便歸羅浮

仙郎擁節薊門前把酒愁看萬里天青海秋陰分蜃氣
東山雨色入樓船葡萄不盡棗槎事鸚鵡先傳過楚篇
後夜羅浮明月下可能回首鳳池邊

夏日董侍御叔玉約遊陳金吾園汎舟短述

載酒晴開棹尋源地漸幽竹邊調鳳笛花裏出漁舟新
霽舍初暑殘雲傍曲流幾回迷遠色一一似滄洲

送涂明府之龍游

少年鴻策獻黃扉暫藉龍游下紫闈寶劍匣中星欲動
仙人天上鳥初飛青山萬里移舟出綠樹千家帶雨稀
倘過嚴陵須問俗非熊強半在漁磯

送楊懋功守姚安

燕市年來共卜居君行萬里獨愁予花間桑落時非舊
笥裏瓊華日漸踈金馬秋深惟有夢碧雞春遠憶傳書
從來意氣難離別誰爲憐才薦子虛

華比部

名叔陽字起龍號玄谷無錫人嘉隆中官刑部主政

贈思萱處士

愛君卷跡栖環堵陰陰藜木清溪午階前萱草晚含滋
隴上麥苗輕着雨春風吹鬢酒盈尊傲倚南窻聽鳥言
但令勝事堪娛老何必丹丘訪羨門

春日閒居

殘雨收空曙間庭日遲遲田夫念歲事荷鋤適東菑清
陰匝廣路朱英綴踈籬俯愛潛魚躍仰視浮雲馳雉啄
聊足止夔屈自有時休跡依林丘散帙方垂帷沈心往
千古塵想忽若遺揚子守玄言寂寞吾與期

曉雨

欹枕曙光入空濛雨未收濕陰庭樹密暗響石泉流巢
鳥翻猶恰簷花落更幽當軒理巾柳蕭瑟况疑秋

家居歲忽及暮悵然有感無懷京師舊遊

失路稅征駕還山理漁磯門前舊時樹垂條拂人衣故
園高卧思悠悠歎息年華忽已周極目浮雲暗燕國愁
心芳草滿吳洲燕吳迢迢渺煙水美人音塵隔千里東
風何處語流鶯日暮空庭聊徙倚

贈沈道禎

彼美中林士肆情遺好爵窮覽歷瑋麗冥探契玄漠吐

論雜詠雅解衣任槃礴隄然天機發丹青時間作醉
散霏煙飛毫架層壑洞庭春波平蒼梧暮雲薄潛神已
絕巧師意匪祈博遊燕亦軒鴻歸吳更藏瓊伯通有遺
墟幽踪諒堪託

和韻酬外舅王公

余昨歲有杭關之役尋以病
寓魯上疏請歸因得數字

嬾成中散癖禮任步兵踈官拙慚懷祿時違罷獻書及
關將隱矣過魯歎歸歟負郭饒生事沈淪意自如

讀陶詩用讀山海經韻

寢瘵歸故丘日與人事踈時雨沐平林清蔭滿衡廬沈
心契玄理汎覽綜羣書荒扈足施羅窮巷罕迴車開簾

見遠峯葺圃長新蔬閒詠彭澤詩願令微尚俱苟得怡
吾志折腰非所圖緬焉欽素風千載誰復如

夏日閒居用左太冲韻

端居感馳光荏苒忽至今清風披層軒幽悰寫孤琴碧
藻被文流丹葩綴重林灌畦愜機忘混俗甘陸沈白雲
幻奇姿玄蟬奏高音偃仰北窻下嗒然起微吟萬物欣
自榮聊用舒吾襟真賞足丘園何事嬰華簪

送洪上人還金陵無訊守愚師談經報恩

去住本無意那堪孤思深數沙憐幻跡航葦見遐心風
定潮音寂雲歸山氣陰遙知弘法處花雨徧空林

翟進士

名鍾玉字德甫號荆山
嘉定人嘉靖間鄉進士

肅皇帝輓詞

內殿傳遺詔僊遊去不還歲徂瞻日馭想象見天顏草
色悽含露泉聲咽過山扳依去莫及悵望五雲間

文姬入關圖

胡笳彈淚翠眉顰白草黃雲暗虜塵翻恨漢關今夜月
如何偏照別離人

哭孫懋衡

自信龍韜可致身十年短褐走風塵漫投白璧寧辭肘
盡散黃金不問貧羈旅禰衡空有賦平生樂布是何人

也知壯士能輕死爲爾長歌獨愴神

送管大還吳中

悲歌當易水別酒濕征衣季子貂裘似昭王駿骨非涼
風驚客夢明月待人歸莫憶西遊好山中有蕨薇

寄黃六秀才

別子都門又十年憐余短榻只蕭然蘭生壁在終歸趙
部隗臺空莫問燕幾望少微懷舊隱每從白雪見新篇
任公遊倦還多病欲向吳江理釣船

王戶部

名三錫字用懷號華巒蜀
內江人嘉隆間戶部主政

送李侍御巡按廣西

法星臨處古交州使節遙看萬里遊雲擁朱輪千嶂合
花迎豸繡兩江浮燕臺舊避三雄馬粵國新披五月裘
銅柱羈縻非盛事卽看青海欲全收

雪夜吟二首

夜半風冽冽長安一丈雪凍死無衣人紅樓燭未滅
朔風吹胡馬飛雪滿陰山江南春已遍不度玉門關
元夜訪江鴻臚和見貽韻

同君對明月徙倚當層軒移燭看雙劍開襟共一樽雲
依銀漢曲星傍紫宸尊白雪勞相贈平生諒所存
春日同賈洪菴遊大石和韻答之

行春花鳥若爲從，仍訪名山過梵宮。
片石倒懸雲外壁，太湖遙送檻前風。
興來有客能思戴，賦就何人爲薦雄。
最是論心還勝賞，調高白雪許誰同。

答周光山

汝上空原春雪消，大梁西望路迢迢。
吳雲散入嵩陰雨，淮水流殘海夜潮。
何意雙魚將尺素，應憐一鵠隔層霄。
那知喜極翻成淚，十載交游轉寂寥。

秋思

西風一夜送微涼，葉落花殘漏滴長。
何事深閨先識得，月明處處搗衣裳。

管山人

名稱圭字建初號九野
長洲縣人嘉隆中名士

聞趙太史談祝融之勝喜而賦此

絕磴危梯訪祝融，風流金馬幾人從。
尊前杖屨三千里，雲裏芙蓉七十峰。
倚閣晴飛青澗雨，聽猿夜渡翠微鐘。
仙郎石上留題後，回首烟霞處處封。

詠懷

年來擊筑酒人傍，不遂鄒枚事孝王。
逸駕信非臺上骨，片言誰贈橐中裝。
青山夢隔看飛鳥，華髮心深對夕陽。
寂寞子虛猶未就，相如早已倦遊梁。

康徵君裕卿

玄襟白幘帶雲霞夢裡青山是永嘉旅食豈同彈鋏客
論交時過賣漿家西京賦就空詞苑五岳遊來幾歲華
把臂共憐鴻鵠志黃金臺廢莫與嗟

客舍書懷呈社中諸公

半生憔悴惜芳時暮楚朝燕髻欲絲身似白雲俱不定
路同玄鳥獨歸遲草枯塞北驚馳逐砧斷城南怨別離
喜有漢廷韓鄭在風塵忘却布衣淄

送滕北海文學從韓太史陳給諫使朝鮮

天涯匹馬逐知音鴻鵠冥冥萬里心鳳口晴雲丹詔遠
鴨頭秋水綠江深山川摠謂驚殊域詞賦何妨問上林

自古衣冠箕子國橐中却贈喜無金

殷進士

名都字無美號嘉
定人萬曆間鄉進士

過蔣將軍得風字

建牙逢暇日入幕揖長風興豈秋光薄詩將海色雄
沉閒自卧白墮醉能空莫話麒麟事清時不論功

長輿齋中對酒

片席蕭齋共厭厭僕屢更勞生知酒德賤日見交情疎
竹秋能韻亭雲暮欲平對君如不飲肝膽向誰傾

王青州元美兄弟過訪徐叔明使君卽席戲呈

不辨關門紫氣盈相逢俱作布衣輕道旁五馬遙能識

袖裏雙龍宛欲鳴，莫倚文章驚一代。且呼尊酒盡平生，
卽看王粲同徐幹。飄泊空餘鄴下聲。

東寄襄陽徐觀察叔明

使君三楚舊知名，想見壺漿到處迎。池上風流惟愛客，
幕中日暇稍談兵。解來玉珮花迷渚，唱罷銅鞮月近城。
乘興南樓應不淺，幾人叅佐似殷生。

送徐摠戎移鎮白狼山

黃龍浦口片帆行，白狼山頭千騎迎。聞道
朝廷思
猛士，卽看使者請長纓。雲中插羽軍書急，雪後燒原
火明。此日羨君能萬里，腐儒亦復喜談兵。

黃伯子

名道字吉甫號海南江陰人

與王百穀話舊

以我飄零久逢君，感慨深一燈。今夕雨三載，故人心擊
筑。悲燕市場舫，倡越吟相看。不盡意何地，更披襟。

焦山訪邵五游山人

中流孤嶼絕囂塵，地僻從來足隱淪。一卧三徵不起客，
還棲五嶽雅遊人。山將夜色侵衣冷，雨帶江聲入夢頻。
我亦翛然遺世久，白雲同爾結芳隣。

金山卽事

亭倚留雲處，雲光上客衣。江寒鼃不起，林靜鳥偏依。結

八國雅卷十八
言
侶元同調持杯自息機酣歌日云暮煙雨轉霏霏

朝天宮王儀部席上簡袁考功

落日冶城隈前山秋色開簾容雙燕入風自二陵來席
向郎官促杯從羽客催還須遲吾子同上下公臺

朱光祿

名正初字在明號虛谷靖江人嘉隆間官光祿監事

湖上

長堤曲曲石粼粼柳色參差接望春煙鎖禁中疑作雨
風過湖上不生塵翠微懸瀑穿雲白綠渺平蕪入漲新
隨處青旗能醉客肯嫌身世是沈淪

夜宿金山寺呈同游黎惟敬因讀黎所題碑文

寺僻藏幽勝煙霞滿榻生窻窺遠湖白鐘響出雲清夜
自傳燈寂心將聽偈明看君題石處共起薜蘿情

同徵甫宿碧雲寺寄懷彭城公

蒲寺泉聲入夜聽重來一宿萬緣清星當座上偏疑客
月照簾前可是卿結社偶隨猿鶴侶裁書還隔鳳凰城
爭看白傳新題在錯訝香山是洛京

聽小沙彌如序彈琴

誰道西來教歸空念不生聽時初得調彈處欲無聲綠
水淨中落青山定裏行總因禪悟理迸入梵音清

送莫觀察之秦中

朱光祿

國雅卷十八

二五

雙旌萬里入函關，悵望星軺不可攀。此別秦中榆漸落，應逢塞下鴈初還。玉門霜積天連漢，青海春深雪滿山。行部賦成煩遠寄，西京遲爾一開顏。

送項思堯下第歸鴈山

上書不得意，理楫復東歸。才是雕龍辯，心非失馬譏。秋風碣石水，寒雨鴈山薇。楚玉依然在，無嗟識者稀。

擬出塞

旌旗百道疊秋雲，四塞吹笳馬上聞。風度玉關圍正合，月明灤水戰初分。長楊獵火新驃騎，斷磧胡沙舊冠軍。不待賜金酬俠少，燕然飛檄報明君。

人日集陸尚寶官舍

載酒尋仙省，河垂御柳新。頻年愁作客，此日喜逢人。座對燕山雪，窻臨漢闕春。金門堪吏隱，方朔本詞臣。

無題

長干車馬少年同，此夕翻疑似夢中。楊柳有聲吹作笛，梅花無數落隨風。春山尚鬪顰間翠，夜月都消枕上紅。惆悵當時歌舞處，夕陽猶照小橋東。

次恒陽得邸報寄胡原荆

分違纔幾日，去住不堪論。白簡臺郎職，青山聖主恩。風霜辭北闕，慷慨下中原。宣室應憐汝，還期詎可言。

贈李岳州

垂楊高處且馮闌此地逢君與頗歡出守卽看符是竹
觸邪曾許豸爲寇窻合遠岫清湘雨湖遶春城白日寒
政暇定知支手板遙瞻紫氣滿長安

葉山人

名之芳字茂長
號雪樵無錫人

觀海

碧海何冥冥空光連太清白雲飛不過紅日落還生去
鳥難分影遙山安可名何當借鰲背載我向東行

寒草

臘月寒草色蕭蕭萬里黃遠連沙塞雪荒帶海天霜風

疾隼頻下山空兔不藏偏傷獨客思羸馬踏殘陽

送汪子木之豫章

淮楚遊不達豫章西獨行傭書今日事建節異時名千
里孤帆影三秋一鴈聲別來龍劍在頻向匣中鳴

贈談太常

談生真阮籍白眼傲時人浪飲百壺酒閒過三十春門
將雲似客居以竹爲隣不道清如許高名尚欠貧

憶楚生

陸子身仍隱多應學接輿春生別後草魚絕寄來書慷
慨人堪惜踈狂我不如楚王今去遠誰爲下徵車

黃巖道中

黃葉蕭蕭下翠微，寒風歲暮薄征衣。
飛泉當路馬蹄濕，落日半峯人影稀。
作客漫分香積飯，隱居空慕首陽薇。
茲山信可供高卧，何必江東汎棹歸。

靈江舟中

赤城東去水滌洄，無數寒花夾岸開。
越國青山臨海盡，靈江秋雨挂帆來。
舟中客淚隨楓落，天外鄉心逐鴈哀。
如此蕭條祇須醉，已知淪落不論才。

荅蕭漢卿

故人迢遞隔江干，貧病題詩寄我看。
鸚鵡賦高人未識

鸚鵡裘敝骨應寒，千山日落關門暗。
十月霜多木葉乾，惆悵冶城曾宿處。
從來別後再遊難。

偶過顧丈玄言花源真隱，因訪南林寶公禪院，題壁留贈。

夾岸桃花無處尋，此溪卽是武陵深。
孤嶼閒雲常寂寞，澄潭古木晝陰陰。
高齋棐几臨窻北，南林曾比東林宅。
謝公臺畔獨緇經，社裏蓮花露初白。
避世應非是避秦，煙霞咫尺隔紅塵。
逃禪了悟維摩偈，不用天書辟隱淪。

入新安溪

可怪新安水，舟從石上行。
不風秋暮冷，無月夜深明。
古

木何年偃危湍幾處驚千尋猶見底曾數越江清

觀珍珠簾泉懷劉巨公

珍珠泉落石崖秋恍惚簾垂白玉樓樹拂翠煙疑卷幔
山橫新月似懸鈎來遊未淬青萍劍沾濕先寒紫綺裘
安得一杯同謝客碧巖長日坐銷憂

谷口贈七十老人

谷口龐眉叟逢人問世間安危忘出處耕鑿有餘閒
杖隨流水看雲過遠山了然無所事終歲掩柴關

壬申十一月十日留別吳虎臣

久依何忍去遠別自難任有感蘇卿淚無忘鮑子心亂

雲寒鴈斷落日暮猿吟千里一長鋏蕭條返故林

贈鄆郡章端伯

安道彈琴隱韓康賣藥貧君能同出處余愧在風塵白
眼堪輕世黃金祗累身平生惟短褐應不厭沈淪

曲江夏日酬麗慈

玉樹姿同潤青山色並高試歌成白雪寒壓廣陵濤

雨中望釣臺

荒臺寂寞枕秋山煙雨半裘不復還千載漢恩猶未絕
至今遺祀斷崖間

張文學

名文柱字仲立崑山人隆慶中邑庠生

去年之日寄答當塗蕭漢卿

去年之日聞提壺蕭郎飲我長干壚今年之日吳天黑
江雲萬里俱無色人生聚散信蓬萍空使關河遲行客
君從辭家能苦吟余亦薄游意氣深有時拭劍劍欲吼
片言之諾輕黃金黃金結交翻手變朱樓咫尺不可見
余今骯髒天一涯東風青鬢夢京華向來芳草王孫路
惟有千山落日斜落日斜歸騎急春雨江南望江北

惜別

惜別復惜別殘更爲爾遙青楓薄命葉黃柳斷腸條天
迴遲寒鴈江空急夜潮秣陵煙雨際留得鬢蕭蕭

夜泊與無美雲卿同作

青袍爲客日艤棹幾江城天地還吾輩浮沈亦世情
虛村雨暗沙合水煙生此夕當杯意悲歡不爲名

清懶窩話別葉茂長得何字

開徑故人過當杯意氣多懷中和氏璧膝下甯生歌
客鬢如此別君顏若何所期蓮社在相遲白雲阿

集王青州得前字

遙心曾寄夜燈前高館玄言意更偏白雪近傳詞客調
青山元傍使君筵池懸嶮樹留寒雨徑遶長蘿起夕煙
獨有濬沖愁病後追歡空復愧忘年

嶮作
密佳

索居二首

遺榮因屏俗偃仰一丘間開徑但聞鳥閉門猶見山
終歲卧青蘿閒門野鹿過所懷惟白雪不向郢中歌

金陵元夕曲

朱門玉館夜還賒南陌東城路不斜隊隊香車墻外過
不知絃管是誰家

成季子

名涓字玄復號霞樵無錫人嘉隆中隱濠曲

贈羅處士

舊業稽山下客游吳市門片言輕季布直道媿劉蕡
秋髮千絲白雄心一劍存逢人說肝膽那是趙平原

暑中得九華送王元美之楚之作偶貽陸楚生

荆門千里擁帆檣夏口纔過入郢鄉露冕不辭當溽暑
風裁蚤已越清湘談中憂世常捫虱賦就游仙欲咤羊
此去若逢歌鳳者莫言座上楚生狂

失題

女郎隄畔赤闌橋十二樓臺鎖寂寥楊柳不知歌舞散
春絲猶學小蠻腰

誰家池館秘青霞知是平章公子家一自美人乘鶴去
海棠零落不生花

聞說仙源卽武陵當年桃李已無馮如今庭戶生荆棘

不識漁郎到此曾

劉郎橋下舊名園
舞雪歌風繞畫軒
廿載與亡眼前事
令人仍憶趙平原

俞伯子

名淵字希顏號克菴無錫人嘉隆間太學生

過慧山別業

幽棲憶昔携書至
暇日傷秋弭棹過
古寺鐘聲齋閣滿
西林風葉夜窻多
試尋丘壑探玄寂
欲置行藏傍薜蘿
况是海邦經亂久
自應高卧碧山阿

雨坐有懷胡鳳石

花谿閒不掃庭草
坐來滋積霧入林
重沈雲度嶺遲遲
歡違舊賞素業困
清時寂寞空齋卧
惟應鮑子知

送三少麓

鳳凰臺上春雲曉
山色江光盈樹杪
此時煙雨黯離愁
却恨從前歡會少
畫舫翩翩五兩輕
殷勤斗酒送君行
江臯一去同黃鵠
萬里扶搖遡紫清

秋雨後寓目觀音閣

白冶秋高桂影沈
棘圍初解一登臨
長江日下千巖水
曾閣雲連萬樹陰
清梵偶依慚見性
衆山遙對卽知音
如何鄙隗臺前路
偏繫窮愁望遠心

坐雨呈袁吏部

兩年留滯已難禁，况復經旬積雨侵。
斗室坐閒黃潦入，荒堦人遠綠苔深。
漂零終是成溝壑，濩落無能起陸沈。
魚鴈不逢過從絕，燕臺空說築黃金。

暮春過友人別業

弭棹訪仙源，幽人久杜門。
春將花事盡，晴喚鳥聲繁。
窈窕同愚谷，蕭條類漆園。
知君秉微尚，余意復何言。

訪鄭渭川

策蹇長千里，遙尋處士家。
徑深藏密竹，門小翳繁花。
晤語流雲外，行吟積水涯。
莫因愁與病，相對却生嗟。

園居雜詩四首

幽意在山水，卓瓢恒晏如。
地偏人跡遠，心懶世情疎。
已見室如磬，無勞食嘆魚。
當年題柱意，未忍負公車。
一榻坐來深，能滋不染心。
閒雲三徑合，芳樹半庭陰。
湖上子猷棹，林中叔夜琴。
楚蘭吟倘就，桑興訪知音。
小院淒風入，蕭條歲欲闌。
蠹編貧可樂，鶉服拙宜安。
孤坐芳華歇，卑棲去住難。
庭前丹桂樹，暫作小山看。
三春甘雨遍，一徑綠雲齊。
星作荀陳聚，花同劉阮迷。
濁醪時獨醉，幽壑不辭棲。
只此堪遺世，寧煩養木雞。

孤坐

適晤安期叟，言從海上回。
授書傳秘密，望氣鬱崔嵬。
黃

國雅卷十八
葉窺人墮青霞伴鳥來莫言孤坐者株守是樗材

閒適三首

萬事清閒好幽棲思不窮浮名山水外吾道酒杯中情
以刪詩適心因看劍雄平生無限意咄咄欲書空
伯陵甘屏棄余亦任清真有道未爲病無官寧是貧屠
龍謀竟拙調鶴性初馴一徑蓬蒿滿惟應來故人
徑爲求半闢門無車馬過披雲種脩竹拂石坐青蘿閱
世風波易論交感慨多試尋京洛主誰得似常何

俞仲子

名沂字希曾號少堂無錫人嘉隆中太學生

憶友人讀書湖莊

舊業城南隱新營部外廬渚蘭頻弭棹窻竹稱移書地
暇人煙少秋深草木踈躬畊三十畝刈穫近何如

和姚潛坤雨後南園獨坐

抱拙事園圃灌溉有常候葵藿連畝畚竹樹亦森茂宴
坐溪上閣幽然對巖岫曉來踈雨過淨瀨響餘溜長空
浮雲散日出花影晝事事稱閒曠清風滿懷袖豈無憑
虛念愧彼列禦寇

古風三首

年華換人代顏色非昔時風吹落花去不復還故枝花
落豈足惜春歸猶有期人老不再少役役將何爲

北山有愚公東谷有智叟愚智吾不知澹泊聊自守愚不欲自用智不任掣肘猶豫者久之得一得解其紐吾聞賢達士善爲子孫地積書未必讀無乃擁虛器積財未必守勿念身後利愚則益其過賢亦損其志必曰如之何積德庶幾是

顧季子

名道瀚字嗣海無錫人嘉隆中邑弟子

送鄒邑侯入覲

上計入長安衝冰渡馬寒好因詢考畢重得覲朝端鷄
遶透迤接 龍顏只尺看 聖明如有問須爲述民難

送胡郡侯擢山西學憲

中吳方倚使君賢豸繡西巡四郡偏鴈外持衡當鎖鑰
潞中獵藝擁樓船雲飛遙帶桑乾急嶽色馮陵劍氣懸
三晉古來多俠節佇聽聲教訖幽燕

應太守方山夜過話舊

清夜相逢把臂呼却憐身尚滯東吳門前五馬藥春至
別後雙魚隔歲無苜蓿何堪供應劬槩觚差可擬潛夫
江潭憔悴行吟者曾比高陽舊酒徒

送王百穀北上應試

王郎俠氣冠江東躡屩侯門處處逢湖海一裘偏駢髀
風塵雙劍拂芙蓉文雄漢氏稱司馬才駿雲間識士龍

華藻少年堪載筆承明還遲譯秦封

送海中丞去任東歸

先朝抗疏誤披龍秉鉞從來望已崇
法振秦廷中執法風行漢世右扶風
咄書閉閣嗟殷浩修刺通家愧孔融
此去東南傾海岱惟公高節古誰同

詠鳳尾蕉花奉華翁叔父教

靈卉生丹穴高垂碧影寒
祗疑堪覆鹿那識忽棲鸞
密藥慚苞彩新叢長翠翰
翱翔飛不去知爾羨琅玕

孫太學

名七政字齊之號三川常熟人嘉隆中太學生

擬古

道喪何悠悠迴薄竟何已
宵人戀形役烈士狗名義
擾擾一世中戚戚百年裏
棄日無安車趨途有促軌
賢聖久不作皇皇知孰是
孰是執有昧玄風崇無闇
通旨有無失真訣徒令蒼
生死所以至人懷玄同混
彼此葆光全已真朗照齊
物理形往鑒匪積響窮谷
自止惟有赤水珠佩之靡
年紀

隴頭水

征夫隴坂上拭淚望秦川
不見長安路空聞幽咽泉
胡沙行莫盡漢節去無年
借問流聲內肝腸幾寸全
三月三日自何山入天池脩楔

弭棹尋芳去遂令仙路深幾重春嶂盡隨磬入東林潭
影浸空剎松風和梵音臨流無用板蓮沼卽來心

虎丘劍池送化之弟之金陵

虛壑但空磬翠微多白雲清暉總娛客無那欲離羣鴈
向瑤京去花當寶地分試看春草色知我夢隨君

家山春霽携逸侶深入雲際諸剎尋討峯壑

江臯宿雨霽凌曉歷芳芬衣冷分谿靄花深度隴雲招
提遍春壑鐘梵寂人羣始信青山曲清輝堪贈君

春日尋山作

聞說桃源自好尋且緣漁艇入花陰花隨碧水人間去

雲共青山洞口深芳草只宜麋鹿性春風正洽薜蘿心
相逢莫問秦將漢身世悠悠一片心

贈客避仇遊梁

時客暫歸吳中過訪

何事桃花索居處門前却有紫駟聲十年別向嶠函客
萬里不忘江漢情死去避仇憐季布窮來感遇泣侯嬴
千金昨日購神劍今日相逢卽贈行

雪中酬俞仲蔚

松風蕭瑟碧山陲靜對寒輝搔鬢絲架上舊無天子札
袖中新得隱淪詩君心似水深相許世路多岐渾欲悲
爲問寥寥高尚者衡門卧雪幾人知

擬明妃曲

一朝辭漢向天驕，彈盡繁絃恨未消。
畫裡不沾金屋寵，曲中空怨玉關遙。

搗衣曲

十載征人去未還，闌干搗素淚潸潸。
半輪山月砧聲切，那得風傳到玉關。

鄔季子

名佐卿字汝翼丹徒人嘉隆中邑文學

王祠部邀遊靈谷寺

帝城誰復賦登樓，把酒相看只蒨緱。
山寺逢僧真似水，春官留客更宜秋。
鹿驚人語松間出，錫帶泉聲石上流。

神谷迄今多王氣，五雲常傍二陵浮。

無題

小樓日日燕飛頻，夢斷昭陽憶舊人。
總爲行雲憐薄命，敢將歌舞怨風塵。
簾移鸚鵡杯前月，漏盡鴛鴦被底春。
誰道牡丹零落盡，看花雙淚欲沾巾。

艷曲

碧樹映紅樓，佳人是莫愁。
竹枝看引鳳，花色笑牽牛。
舞罷月初落，歌殘雲欲流。
竹妨千日酒，醉殺秣陵秋。

西津別妓

立馬江臯問暮潮，片帆西上路迢迢。
人將碧草新晴去，

六國雅卷十一
子
鬼對青山舊雨消雲色自依桃葉渡月明淒斷鳳凰簫
壚頭濁酒春堪醉還訪秦淮舊板橋

鳴玉園寄陳貞父時貞父令寧鄉

飄零湖海識君遲一劍東遊鬢欲絲三徑蘼蕪人去後
千山風雨鴈來時雲分嶽色秋歸峽星帶河流夜入池
最是湘鄉容傲吏鳴琴何處寄遐思

穉登邀同無從諸君登寶界山以二姬侍酒

湖光秋色共漫漫白首孤亭落木殘亂水直從河漢瀉
萬峯齊抱洞庭寒花嬌玉女芙蓉面林礙詞人竹籜冠
我輩蕭然不干世無令高卧獨袁安

尋張幼于不遇

不識吳趨路來尋仲蔚居敢題門上鳳寧嘆食無魚握
手竟何日論交豈在初豐城雙劍氣空望斗牛墟

過許墅關

秋色滿吳城西風過鴈聲人家綠水上官柳暮雲平舩
艣關猶隘干將匣自鳴使君方擁蓋誰問棄繻生

奉簡九華顧丈

芙蓉湖畔白雲深悵望幽人不可尋子夜翻歌俱綠鬢
平生酬客盡黃金憤時舊著王符論慢世誰知曩倩心
莫道龍門猶未御幾回曾見郢中吟

安仲子

名紹芳字茂卿號研亭
無錫人隆慶中文學

碧雲寺

寶地浮空一徑盤
藤蘿曲曲隱闌干
泉飛蒲寺春流急
月落虛壇夜影寒
松際孤雲巢鶴鶴
洞陰芳樹長旃檀
携將袖裏三山記
獨上峯頭掃石看

香山寺

隔嶺藏香閣到門
生暮煙斷崖寒積雪
細草伏流泉臺
指祈星處松傳護
駕年石幢苔半繡
似欲化青蓮

寒食昌平官舍飲劉少宰

駐馬山城暮東風
屬禁煙烏聲廳事裏
柳色驛門前醴

酪他鄉共星辰
此夜懸上公能下榻
容得酒人眠

送曾中丞赴蜀

玉節遙看萬里行
鳴笳吹角震西京
天邊劍閣雲爲棧
樹裏巴江錦作城
檄到百蠻新喻蜀
圖餘八陣舊藏兵
褰帷父老煩相訊
詞賦何人似長卿

送董述夫山人遊太山

荷笈名山此送君
青天黃鶴自爲羣
採將礪底千年藥
畫出峯頭幾片雲
松老尚含秦帝雨
蘚荒全蝕漢時文
遙知日觀憑滄海
夜半吹笙卧紫氛

將之勾曲便道登王駕部寶界山莊次韻

松風冉冉拂征衣纔到青山是息機看盡湖光惟鳥度
行窮樵徑見人稀嘯臺樹杪天連檻爽谷雲深石作扉
爲問輞川多勝事何如此地駐斜暉

同鄧徵君過訪姚先生

委巷幽人宅扁舟載酒來長歌春雪調高卧暮雲隈別
久霜侵鬢書成草沒臺却憐門下士淪落思偏哀

范使君

名守已字介儒號岫雲河南
滑川人萬曆初官松江司理

乾陵行

乾陵陵是高宗者則天祔墓何爲也行人但道阿武婆
唐家天子不稱寫一杯之土昔未乾六尺孤兒已棄舍

長夜有知陵下逢未語應是顏先赭生前已把神器偷
死後尤將園寢假五龍夾日本蜥蜴季相鬱鬱淚暗灑
君不見玉環妖血草根紅寂寂遊魂自避馬

監軍莊

帝子監軍築塞城沙丘遺詔恨難平
一諫坑儒禍已萌

邠州

萬山堆裏覓城頭一派間閻依斷丘
行人猶說古公劉

因思越昔破吳有云斬西子投之江以報鴟夷子

然乎否乎豈其魄千載未沒猶思從少伯而未遂
然耶又為律以乎且慰之

苧蘿村畔輦歸時翟菲禴衣恨到遲別院笙歌憐故土
空臺麋鹿愴新知傾城豈是紅顏妬沈骨堪為玉貌悲
烏啄越王恩自薄幽魂千載重離思

春日迴文一絕

晴色曉添新柳綠煖烟晨擁
桃紅鳴春候鳥啼聲巧
迎日鮮霞錦拂風

初秋望夜月色可人戲為倒句迴文

月轉天心天轉月圓同鏡影鏡同圓闕浮香桂香浮闕

烟幕空宵空幕烟

追賦張公洞凡三十韻

太始闢乾坤山阿如積痞儵忽七日鑿混沌歛然死窟
竅既已開巖穴昌以哆緬惟張公洞豁訝更礪礪山頭
敞一壑黝黯似無底余昔好探幽拉伴曾一抵竦身下
危階仰視燁如綺大叱有神工繪塑安能爾玉乳疊疊
垂參差不可紀或長丈以尋或短尺有咫攬攬老鶻拳
矯矯蒼龍尾密攢似蜂房遙啄如鳳嘴或如麻姑怒玉
鞭空中指或如子春噫鐵柱壚中起下墮欲戳地纍纍
不終委上插欲支傾琳琳還自倚牙然欲相擊齷齷不

國雅卷十八
合齒的鑠五色明晶瑩萬狀美母乃女媧氏煉石滴成
藥恐是癡龍窟罅漏滲石髓排笈更深入似啗龍領裏
屢陟復屢下迴蹙多迤邐踵欹不展趾肩縮天壓已冥
揆忽中豁奧窅巖仙趾丹竈有遺踪石榻餘牀几東南
不可極廓落有積滓疑是種芝田蒼茫莫辯矣回首一
隙明忽透山東峙從此出人間茫然忘故里寄聲索隱
士勿笑山形鄙

八音連勝一首

詠史

莫羨當年金谷春綠珠空誤石崇身東山拉伎絲桐癖
南國思君竹淚新誰信魚聽匏子瑟忍將女結土龍姻
幾多如射革難貫付與蕭蕭木葉津

八音冠頂一首

迷懷

金閨通籍已多時石璞函珎未露奇絲織流黃憑越女
竹裁律呂賴虞瓊匏瓜非我能同繫土苴於人尚有禪
革去當年舊伎倆木蘭花畔醉醪醪

月下抵張家灣一首

茫茫野水海天秋萬里晴霄月滿舟今夜不知涼幾許
使君新下 帝皇州

魚臺道中望嶧山

翠連騶楚數峰攢遙揖龜蒙海岱間降嶽真人雲自落

擇隣老母夢初還千巖雨洗莓苔靜衆怒風號檜栢寒
我欲凌空一縱眺秦碑剝落不堪觀

宿遷縣項羽生處

學書學劍總無能何用生兒蓋世英五載戰爭稱霸主
不聞媼姓與翁名

其二

數世衣冠嗟楚臣英雄一戶竟亾秦子嬰已戮懷王死
項氏宗傳亦不聞

望惠山

晉陵南望碧峻嶺巖巖飛雲散復疑九偃蒼龍蟠鐵尾
孤鶩秋鷗奮長膺千巖雨過瀑垂練萬木風來鳥墮藤
我欲凌空一縱眺巉崖危兀不堪登

許墅關

許墅關頭人如鵠許墅關下檣如束吳越兒郎挂錦帆
滿船文繡貯結綠亦有翡翠來南海白壁明珠光耀目
臨關不敢自銜鬻韞櫝括囊湯躑躅關吏算舟如算車
征取緡錢入簿錄竹符飛來鐵鎖掣舳艫魚貫始奔出
郎兮郎兮莫輦頤 國家九府需錢穀 明主兼
是重抑末征商自古能遺不

張光祿

名循占字元易山西蒲州人隆
萬中任光祿署正有嘉樹齋集

哀三良

死者不復生生者亦可傷秦風一何暴哀哉摧三良固
知捐軀慘遺命不可忘豈無明哲心苟生亦何光國人
惜賢達臨穴呼彼蒼白楊何蕭瑟黃鳥空翱翔殯宮闕
重泉一往夜何長睠言感忠義慷慨成斯章

詠荆軻

荆卿感知已報主不辭難賓筵皆縞素祖道停金鞍擊
筑何激烈悲歌易水寒慷慨望秦雲四座涕汎瀾將軍
既函首壯士復摧殘斯事竟何益千載傷燕丹

張山人彈琴

山人午留客松下納微涼清泉盥素手石鼎焚名香對
我理瑤軫清風滿竹牀初彈意方愜再鼓聲愈揚流淙
喧暗怒驟雨入叢篁么絃窮變態萬象隨低昂須臾天
籟寂四座一宮商師襄久不作吾意其彷徨羨君抱奇
技神思入杳茫曲罷一迴首楓林月如霜

銅雀臺

銅雀飛隨野鳥鄴都一望青青草漳河水千古流西陵
風雨四時秋當年歌舞人何在惟有荒臺繫客愁

觀穫

秋風寒歷吹禾黍處處田家築場圃男收女刈良苦辛

婦挽姑春輸公府荒年稱貸納官糧豐歲遺餘歸富商
富商烹魚厭梁肉不把犁鋤粟滿倉

黃鵠歌寄贈內兄王子裕

黃鵠白鷗共一羣青莎綺樹映晴濱白鷗自是滄洲鳥
黃鵠翩翩凌紫雲紫雲一曲傳清響同調翻然隔穹壤
相思兩地異悲歡君在青雲我草莽二鳥分飛信陸沈
多君遠寄瑤華音一生強半歎離索風雨遙應思舊林
舊林菘竹開三徑踏徧蒼苔懷二仲千里徵歌騷裊篇
三春已叶熊羆夢夢繞仙家白玉壺朱絃應奏鳳將雛
樽前不用招明月自有盈盈掌上珠

山海關城秋望二首

地迴浮雲近天空落日遲潮聲摧島嶼山勢限華夷壁
壘留殘照旌旗動晚颼故園飛鳥外回首重淒其
涉遠悲時事憑虛辯土風華夷山不斷遼薊水潛通海
思雲霞外邊愁眺望中寄言棄繻者漢將正和戎

軍城秋夜即事

寂寞軍城暮浮雲黯斗杓戍樓人未散絕塞虜還驕夜
雨千門冷秋風萬木凋籌邊王相國金甲坐應銷

少年行

少年懷壯志仗劍遠橫行逐虜窮西海提兵過北平生

國朝卷六
涯雙劍在然諾萬金輕欲樹封侯績羞稱俠客名
龍泉寺西巖訪普上人蘭若

絕巘無人跡神僧此避喧六時常入定終歲不加餐對
月時移榻當春晝掩門虎來知聽法階下跡猶存

送僧歸日本

慈航何可繫海上與雲連霧隱鰲頭地濤飛鶴背天揚
帆驚日近回首覺星偏笑指扶桑樹潮音清梵邊

駕出

金門平旦開車騎響如雷鵠立千官候龍飛萬乘來垂
旒崇大報晝衣喜重陪欲獻明堂賦慚非侍從才

早出平子門緣堤至湖上

聯鑣披帝籍旭日爛晴霞馬踏長堤轉鶯啼深巷斜沙
田宜種柳枯樹半垂花湖上青山滿春風似若耶

望湖亭臨眺

孤亭宜遠眺岸瀆俯晴軒電劃青山斷湖春翠浪翻林
歲支遁館花幔辟疆園自罷橫汾曲誰能憶釣舩

過朱汝修雙塏精舍

長安車馬地之子得幽棲寶月雙林近寒雲萬樹低琴
清獨鶴舞竹密暗禽啼賴有詞流在清尊日共携

萬曆庚辰春

天子奉

兩宮躬祀

山

陵扈駕作

松栢夾朱扉祠官護 御衣朝陪千騎入暮擁六龍歸
春草偏宜繡雲山半暎緋幸叅交戟內咫尺覩 皇威
花外迴鸞馭輕烟上彩旂紫雲飄翟扇春水引龍舟樹
隱芙蓉苑山開翡翠樓 君王尊盛典歡奉 兩宮游

登小西天石經寺示明上人

摩圍西望渺塵沙天竺重開小梵家十里雲盤蒼石磴
千峯露濕白蓮花山懸寶像秋宜月洞鎖靈文夜有霞
聞說叢林堪卓錫願從初地轉三車

秋日塞上書懷

望京樓迴薄蒼冥樓在遼城東南隅暇日消憂坐曲榭靜夜星
河明戶牖遙天風雨暗丹青雲連 帝闕勞回首海接

仙都學鍊形何必登高懷古昔同遊今已漸凋零

靈州城北賀蘭山壁壘巔屹霄漢間二馬當轅難並軌
一夫乘障足當關高凌華嶽仙人掌秀色巫峯神女鬟
更憶西巖瀑布水秋來石上響潺湲

雨中渡淮

拂柳穿花度野橋江雲黯黯雨蕭蕭雁迷寒渚鄉書遠
馬怯春泥驛路遙鸚鵡重來誰作賦鳳凰一去不聞簫
望鄉此日偏多感叢桂無勞楚客招

挽謝茂秦

臥痾曾憶欵柴局忽湯漳南隕客星大陸寒飛千丈白
小山時共一編青蓼蟲老去心猶苦

公詩有醯鷄酸蕉
蓼蟲苦之句

鹿年來夢已醒何處愁雲堪挂劍參差玉樹拂滄溟

無題

金鞭駮駟七香車白晳紅顏湯自誇詞客封章朝起鳳
美人粧鏡晚堆鴉風流不減張京兆天冶還輸陰麗華
不分臨觴能顧曲却將春恨托琵琶

送蔡諫議擢蜀藩

中郎珥筆侍金輿五載籌邊有餘夜接詞人揮玉麈

